

- » Nakong ya go kgatha tema ditirong dife goba dife tša sedumedi, dipapadi tša go ya ka molao, boitapološo le boithabišo
- » **Kgoboketšo, taetšo goba pontšho ya semolao ya dibetša.**

»

Naa maemo ke afe dikopanong tša setšhaba?

Go ya ka Molao wa Taolo ya Dikgobokano wa 1993 bjalo ka ge e fetotšwe ke Molao wa Dibetša tše Kotsi wa 2013, ga go motho kopanong goba tšhupetšong efe goba efe bjalo ka ge go hlalošitšwe ka go Molao wa Taolo ya Dikgobokano wa 1993, yo a ka swarago:

- » sebetša sefe goba sefe se kotsi
- » sethunya
- » sedirwa sefe goba sefe seo se swanago le sethunya le seo se ka go tšewa bjalo ka sethunya .

Ke molato wa bosenyi go swara sedirwa se bjalo kopanong. Go tshela Molao ka tsela ye ke kotlo ka lebaka le le sa fetego mengwaga ye meraro kgolegong.

Compiled by:
Division: Visible Policing

Visit the SAPS website for
more information:
www.saps.gov.za

SAPS Emergency Line:
10111

SAPS Crime Stop /
Tip Off:
08600 10111

Call Centre for Service
Delivery Complaints:
0800333177



MOLAO WA DIBETŠA TŠE KOTSI

2013, MOLAO WA BO 15 WA 2013



Molaotheo wa Repabliki ya Afrika Borwa wa 1996 o fa motho yo mongwe le yo mongwe tokelo ya go lokologa go mehuta yohle ya dikgaruru gomme o kgonthišiša gore mang le mang o na le tokelo, ka khutšo ka ntle le go itlhama, go kgobokana, go dira ditšhupetšo, go gwaba, le go hlagaša dingongorego.

Go laola le go hlagaša dikiletšo tše dingwe mabapi le tshepedišo ya go swara dibetša tše kotsi, Molao wa Dibetša tše Kotsi wa 2013 (Molao wa 15 wa 2013) o tsebagaditšwe ke Mmušo go latela moya wa Molaotheo. Molao wa Dibetša tše Kotsi wa 2013 o fediša Molao wa Dibetša tše Kotsi woo o šomago ka go Repabliki ya Afrika Borwa bjalo ka ge o hlamilwe pele ga 27 Moranang 1994, le ka Transkei, Venda le Ciskei le Bophuthatswana. Ke Molao o tee wo o laolago dibetša tše kotsi go swana ka Afrika Borwa ka moka.

Naa sebetša se kotsi ke eng?

Karolo ya 1 ya Molao wa Dibetša tše Kotsi wa 2013 (Molao wa 15 wa 2013) e hlaloša **sebetša se kotsi** bjalo ka:

- » sedirwa sefe goba sefe ntle le sethunya, sa go kgona go hlola lehu

goba go baka kgobalo ya mmele, ge e le gore se šomišitšwe ka nepo ye e sego molaong.

Naa dikiletšo tša go swara (di)sebetša se kotsi go ya ka Molao ke dife?

Karolo ya 3 (1) ya Molao e laetša gore:

- » motho ofe goba ofe yo a swerego sebetša se sefe goba sefe se kotsi ka tlase ga mabaka ao a ka go tšweletša **pelaelo ye e kwagalago** ya gore motho o **ikemišetša** go šomiša sebetša se kotsi ka **nepo ye e sego molaong**, o molato gomme o na le maikarabelo a kotlo ya tefišo goba kgolego ya lebaka le le sa fetego mengwaga ye meraro.

Naa ke afe mabaka ao a swanetšego go kgonthišia gore motho o ikemišetša go šomiša sedirwa bjalo ka sebetša sa kotsi ka nepo ye e sego molaong?

Karolo ya 3 (2) e laetša dintlha tše di latelago tše di swanetšego go elwa hloko, go akaretšwa, eupša go sa kgaoletšwe tše di latelago:

- » Lefelo le nako fao motho a hweditšego
- » Maitshwaro a motho, go akaretšwa

tšhošetšo efe goba efe goba go laetša maitshwaro a go tšhošetša

- » Mokgwa goba tsela yeo sedirwa se se swerwego goba se laeditšwego ka gona
- » Ge eba go swara sedirwa seo e be e le ka gare ga kamano ya go gweba ka diokobatši goba sehlopha sa bahlakodi goba mokgatlo wa thibelo ya bosenyi goba tiro efe goba efe ye nngwe ya bosenyi
- » Dintlha tše dingwe tša maleba go akaretšwa le tlhalošo efe goba efe yeo motho a ratago go efa ya go swara sedirwa. Go swanetše go lemogwa gore motho a ka se kgone go gapeletšwa go fa tlhalošo, ke ya boithaopo.

Ke ditiro dife tše di sa robego Molao wa Dibetša tše Kotsi wa 2013 (Molao wa 15 wa 2013)?

Go ya ka karolo ya 2 ya Molao, (ba) motho a ka se golegwe gomme a rwešwa molato ge a ka humanwa a swere dilo tše kotsi ka tlase ga mabaka a a latelago:

- » Ka go latela mošomedi ofe goba ofe, modiro goba mošomo wo o lego molaong